

Gikuyu - Maandiko - Protection Scriptures

Jeremia 1:18/19 Atīrīrī, arīa oothe marī bürūriinī ūyū nīmarīreganaga nave: athamaki a Juda, atongoria, athīnjīri Ngai o na andū oothe. No rīrī, ūūmūūthī nīndakūhe hinya wa kūmeetiiria; ūrīhaanaga o ta itūūra rīrigīirwo na rūthingo rwa hinya kana gītugī gīa cuuma, o na kana rūthingo rwa gīcango mbere yao. Matirīhotaga gūgūtooria nī gūkorwo nīndīrikoragwo hamwe nave nīguo ngūgitagīre. Nī niī MWATHANI ndoiga ūguo."

Ezekieli 3:18 Ingīra mūndū mwīhia, 'Wee nīgūkua,' nave wage kūmūkaania na kūmwarīria nī geetha arūnge mītugo yake ūrīa mīūru nīguo atūure muoyo-rī, hatīrī nganja mūndū ūcio nīgūkua nī ūndū wa meeitia macio maake. No nī we ngooria gīkuū kīu gīake.

Jeremia 6:27 Andū a Jerusalemu maroiga atīrī, "Nītūiguīte ūhoro wao, na mooko maitū nīmarigoeete. Nītūtangīkīte ngoro na tūkanyiitwo nī ruwo ta rwa mūtumia akīrūmwō aciare.

aLawii 26:19 Ngaaniina hinya wanyu ūrīa ūtūmaga mwītīie, na ndīmūime mbura, naguo bürūri wanyu ūume na watūkange.

Gūcokerithia Maathani 23:5 No rīrī, MWATHANI Ngai wanyu ndaigana kūigua Balaamu; handū ha ūguo, MWATHANI aagarūrire kīrumi kīu gīgītuīka kīraathimo, tondū nīamwendeete.

aRoma 12:21 Ndūgeetīkagīre kūhootwo nī ūru, no hootaga ūru na gwīka wega.

Thaburi 143:8,10 Kīndirikanagie rūuciinī o rūuciinī ūrīa wī mūtugi, tondū njigīte mwīhoko wakwa harī we. Mahooya maakwa ndīmeerekeirie na igūrū kūrī we; nyonereria njīra ūrīa njagīrīirwo nīkūgerera. 10 Wee nī we Ngai wakwa, ndutaga kūhingia wendi waku; roho waku mwega arongeragīria kūndū gūtarī ūgwati.

Thaburi 94:12 Kūraathimwo-rī, nī mūndū ūrīa ūtaaragwo nī we, MWATHANI, ūrīa wee ūrutaga watho waku.

Thimo 27:12 Mūndū mūbaarīrī oonaga ūgwati ūgīuka akawehererā, īndī kīrimū nīgūtūngā kītūngaga gīgakīniinwo.

aFilipi 2:16 rīrīa mūkūmahe ndūmīrīri ya ūhoro wa muoyo. Wona mweka ūguo, nīngaagīa na gītūmi gīa gwītīia nī ūndū wanyu mūthenya ūcio wa Kristū nī amu ūhoro ūcio wanyu nīkoonania wega atī kwīheana gwakwa, o hamwe na wīra wakwa itiarī cia tūhū.

Isaia 49:4 No niī ngiuga atīrī, "Nīrī, nīndutīte wīra, no ndūgīte na uumithio; nīnogeete, no ndirī ūndū hingītie. No rīrī, nīnjīrīgīrīire atī MWATHANI nīarīgitagīra ihooto ciakwa na aheage mūcaara nī ūndū wa wīra ūrīa ndutīte."

Thaburi 76:3 Kūu nīkuo oinangīre mīguī ya thū, ngo na hiū ciacio cia njora īī, o na indo ciacio ciothe cia mbaara.

aHibirania 13:21 aromūhe maündū moothe meega nīguo mwīkage kwenda gwake, o na aromwīka maündū marīa oonaga marī ma kūmūkenia na ūndū wa Jesū Kristū, ūrīa wagīriirwo nīkūgoocagwo tene na tene! Ameni.

1 aKorintho 16:15 Na ithuī no tūgītuīke atī tūrī aira a Ngai a maheeni tondū nītuumbūraga atī Ngai nīariükirie Kristū kuuma kūrī arīa akuū o rīrīa, angīkorwo arīa akuū matikaariūka, ataakīmūriükirie.

aFilipi 1:27 Rīu-rī, ūndū ūrīa wī na bata mūno nīmūikarage kūringana na Ūhoro ūrīa Mwega wa Kristū, nī geetha o na angīkorwo nīngūuka kūmuona o na kana njage gūuka, njiguage ūhoro wanyu atī nīmūrūugamīte wega, mwī na ūndū ūmwe mūrenda gwīka mūrī na meciiria mamwe mūkīrūagīrīra wītīkio wa ūhoro ūrīa mwega mūnyiitaine hamwe mūtegwītīgīra thū ciānyu.

1 aKorintho 15:58 Kwoguo aariū na aarī a Ithe witū, o inyuī nyendeete mūno, ikaragaai mūmīrīrie na mūtekwenyenye ka. Rutagaai wīra wa Mwathani hīndī ciothe, ondū nīmūūī atī gūtīrī wīra o na ūmwe mūrutaga thīnī wa Mwathani wī wa tūhū.

aKolosai 4:12 Ningī nīmwageithio nī Eparafa ūrīa ūrī ūmwe wanyu. We nī ndungata njega ya Jesū Kristū, na nīamūhooyagīra mūno hingo ciothe, akiūragia Ngai amūhotithagie gūkaraga mwīhandīte wega ta Akristiano oomīrīru na akinyanīru ūhoroinī wothe wa kūhingia wendi wa Ngai.

2 Athamaki 19:34 Ngaagitīra itūūra rīrī na ndīrīhonokie, nī ūndū wakwa nī Mwene na nī ūndū wa Daudi ndungata yakwa.' "

Jeremia 15:20,21 Ngūtūma ūtuīke ta rūthingo rwa hinya rwa gīcango harī andū aya; marīgūtharīkagīra, no matīrīgūtooragia, nī ūndū nīndīrīkoragwo hamwe nawe nīguo ngūgitagīre na ngūmenyagīrīre. 21 Nīndīrīkūhonokagia kuuma mookoinī ma andū arīa ooru, na hatīkainī cia andū arīa matarī tha. Niī MWATHANI, nī nī ndoiga ūguo."

Thaburi 55:18 Nīekūnjoockia ndī o mūgima kuuma mbaarainī ici ndīrarūa na thū itangītarīka.

Ezekieli 30:24 Nīngūtūma mooko ma mūthamaki wa Babilonia magīe na hinya, na ndīmūnengere rūhiū rwakwa rwa njora. No rīrī, nīnguuna mooko ma mūthamaki wa Misiri, naake agirīke e mbere ya mūthamaki wa Babilonia arī mūtīihie ūndū atangīhona.

Kūguūrīrio 3:18 Kwoguo ngūgūtaara atī ūgūre thahabu ūrīa ītheretio na mwaki kuuma kūrī nī nī geetha ūtonge. Ningī ūgūre nguo cia rangi mwerū wīhumbe nīguo ūhumbīre njaga ūyo yaku ītige kuoneka, ūcooke ūgūre maguta ūhake maitho macio maaku nīguo wone.

1 Johana 3:17 Índī, mūndū angīkorwo arī na indo nīyingī oone mūrū kana mwarī wa Ithe arī na thīina arege kūmūteithia-rī, angīkiuga nīakīendeete Ngai atīa?

Isaia 50:4 MWATHANI Ngai nīaheete mīario nyūmagīrīrie arīa manogeete. Kīrooko o kīrooko anjarahūraga nīguo thikīrīrie ūrīa we ekūnduta.

Thaburi 18:39 Nī ūndū wee, MWATHANI, nīūheaga hinya wa kūrūa mbaara o

na ūkaahotithia gūtooria thū ciakwa.

2 Samūeli 22:40 Nī ūndū wee, MWATHANI, nīūheaga hinya wa kūrūa mbaara, o na ūkaahotithia gūtooria thū ciakwa.

Thaburi 89:43 Nītūmīte indo ciake cia mbaara ituīke cia tūhū, na ūkamūrekereria ahootwo mbaarainī.

Ezekieli 13:6 Atīrīrī, cioneki ciao nī cia tūhū o na moorathi maaō no ma maheeni. Anabii acio mamwīraga MWATHANI aroiga, o rīrīa atarī MWATHANI ūmatūmīte, na makeehoka atī ciugo ciao nīikūhinga!

aLawii 26:37 Mūkaahīnganaga mūndū na ūrīa ūngī hatarī mūndū ūmūtengereetie, na mūtikaahotaga gwītiiria thū cianyu o na atīa.

1 aKorintho 14:8 Ningī angīkorwo mūhūūri wa kīng'oora ndanagambia ūrīa kīagīrīire-rī, nū ūngīhaarīria gūthīi mbaara?

Ayubu - Yobi 15:24 Kīha na kīmako imwīkagīra guoya; imūukagīrīra o ta mūthamaki wīhaarīrie gūthīi mbaarainī.

1 Maūndū ma Matukū ma Tene 12:8 Ici nīcio thigari iria irī igweta na njoorua cia mūhīrīga wa Gadi, iria ciathiire kūrī Daudi nyūmbainī ūrīa yagītīirwo na thingo cia hinya werūnī. Ciarī njoorua cia kūrūa na matimū o na kwīgita na ngo, namo moothiū maacio maarī na ūūru mūingī o ta mūrūūthi, na ikagīa ihenya o ta thwariga irī irīmainī.

1 Maūndū ma Matukū ma Tene 12:33,38 mūhīrīga wa Zebuluni: arūme ngiri mīrongo ītaano (50,000), ehoneku, meeheyānīte kūrūa mbaara, na maarī na ūūgī wa kūhūthīra indo ciothe cia mbaara 38 Thigari icio ciothe igīthīi Heburoni na ciaikaraga cīhaarīrie kūrūa, na irī na ngoro īmwe ya gūtua Daudi mūthamaki wa Aisiraeli. Andū arīa angī oothe a Isiraeli nīmaanyiitanīre nao ūndūnī ūcio wa gūtua Daudi mūthamaki.

Luka 10:19 Atīrīrī, nīndīmūheete ūhoti wa kūrangaga nyoka, tūng'aurū, o na wa kūhootha hinya wa thū ciothe, na gūtīrī ūndū o na ūrīkū ūrīmwīkaga ūūru.

2 aKorintho 7:10 Amu kīha kīrīa Ngai aiguithanagia kīreehage kwīririra, nakuo kwīririra kūreehage ūhonokio, na gūtīrī ūndū ūtangienda ūguo! No rīrī, kīha gīa gūūkū thī kīreehage gīkuū.

2 Timotheo 2:25,26 Ningī yagītīirwo gūkoragwo ī ūndū mūhooreri hīndī ūrīa ūgūtaara andū arīa mamīkararagia, tondū Ngai ahota kūmahe kamweke ga kwīririra mamenye ūhoro wa ma. 26 Hīndī īyo magīcookerere moime mūtegoinī wa Ngoma ūrīa ūmagwatītie nīguo meekage ūrīa yo īkwenda.

Nehemia 4:15 Na rīrī, thū ciitū igīkīmenya atī nītwamenyeete mībango īyo mīūru ciatūbangīire o na ikīmenya atī Ngai nīathūūkangītie mībango īyo yacio. Hīndī īyo ithuothe tūgīcooka gūthīi na mbere na mwako.

Thaburi 73:24 Ūndongoragia ūkīndaaraga na mūthiainī nīūkaanyamūkīra na gītīo.